

Hugmyndir að spilum og leikjum fyrir börn frá 4-9 ára

Spil

- Veiðimaður.
- Þjófur: 2-4 geta spilað, hver leikmaður fær fjögur spil og fjögur spil eru lögð á borðið. Yngsti leikmaðurinn byrjar. Ef hann á spil sem er í borði, þá getur hann tekið það, annars leggur hann spil af hendi á borðið. Hann má einnig "stela" bunkanum hjá hinum, ef hann á spilið sem er efst á hans bunka. Síðan eru aftur gefin fjögur spil og sá sem á stærsta bunkann í lokin vinnur.
- Ólsen ólsen.
- Búa til spilaborg
- Minnisspil: Hluti eða öllum spilunum er hvolf á borðið og leikmenn skiptast á að draga og reyna að finna samstæður, ef einhver fær samstæðu má hann gera aftur.
- Langavitleysa 1. útgáfa: Tveir geta spilað. Allur spilastokkurinn er notaður. Fyrst er dregið eitt spil sem er tromp. Stokknum er skipt jafnt á milli spilara. Sá sem byrjar lætur efsta spilið sitt á mitt borðið. Nú er lagt til skiptis ofan á bunkann þar til upp kemur tromp, þá verður sá sem ekki lagði trompið að bæta ofan á bunkann, fimm spilum ef trompið var ás, þremur spilum, ef trompið var tíá, gosi drottning eða kóngur, en einu spili ef trompið var lægra en tíá. Sá sem átti spilið tekur allan bunkann og lætur annað spil út. Sá tapar sem klárar öll spilin sín.
- Langavitleysa 2. útgáfa: Tveir geta spilað. Bunkanum er skipt í tvennt, 26 spil á mann. Sá yngri byrjar og leggur út, mótspilarinn leggur einnig út og sá sem er með hærra spilið tekur slaginn. Ef upp koma eins spil t.d. tíá og tíá, þá leggur annar aðilinn spil þvert á bunkann á hvolf og hinn aðilinn annað spil ofan á, á hvolf, en mynda kross. Nú er lagt ofan á krossinn og sá sem er með hærra spilið fær bunkann.

Leikir

- Fela hlut.
- Fela þrjú til sex leikföng undir teppi, barnið sér alla hlutina fyrst. Síðan fjarlægir þú einn hlut í burtu án þess að barnið sjái. Barnið á að reyna að geta hvaða hlutur er farinn.
- Rímleikir, hvað rímar við hús, er það mús, lús eða köttur.
- Frúin í Hamborg.
- Ég fór í ferðalag í gær, tveir til fjórir geta verið saman. Fyrsti segir, ég fór í ferðalag í gær og tók með mér úlpu. Næsti leikmaður segir ég fór í ferðalag í gær og tók með mér úlpu og tjald. Þriðji leikmaður segir ég fór í ferðalag í gær og tók með mér úlpu og tjald og hárskraut. Í hvert skipti er einum hlut bætt við.
- Teikna hluti á blað og barnið á að reyna að geta hvað er verið að teikna, t.d. sjónvarp, bíl eða hús.

- Orðaleikur: finnum eins mörg orð og hægt er sem enda á bíll, t.d. skólabíll, rútubíll, bókabíll o.s.frv. Skóli, skólaföt, skólastjóri, skólajógúrt.
- Orðaleikur: Hvað orð stendur eftir, t.d. blómavasi, ef ég tek blóm í burtu.
- Fuglafit.
- Skoða mismunandi hluti með stækkunargleri, s.s. laufblað, stein, flugur og ýmsa smáhluti.

Föndur hugmyndir

- Útbúa gogg.
- Þræða rörbúta/pasta á band.
- Klippa út dúka og vatnslita þá.
- Teikna mynd á pappír og lita, síðan gata með gatara hringinn í kring um pappírinn (ekki myndina sjálfa) og barnið þræðir band/garn í götin.
- Teikna myndir á blað og lita, síðan klippa þær út og líma á annan litaðan pappír.
- Teikna með klessulitum á blað og vatnslita yfir.
- Teikna mynd á pappír og sauma í útlínurnar á myndinni.
- Lita með krít á pappír/blað. Einnig hægt að dýfa krítinni í vatn og kríta svo með henni.
- Oft eru til allavega baunir á heimilum fólks og þá hafa eldri börn gaman að því að líma baunirnar á blað.
- Að útbúa brúðu með því að klippa út tvo hringi, hefta þá saman og teikna andlit.
- Klippa út úr gömlum dagblöðum og tímaritum og líma á blað.
- Klippa út myndir úr gömlum dagblöðum og líma á blað og vatnslita yfir.
- Vatnslita á blað og láta myndina þorna, teikna síðan yfir með breiðum tússlit.
- Barnið segir sögu, þú skráir niður og barnið teiknar síðan myndir við söguna.
- Gott er að nota gamla skyrtu sem hlífðarföt þegar verið er að vinna með liti, málningu og lími.

Verið ávalt með börnunum þegar verið er að vinna með liti, málningu, lím og skæri.